

## ثابرات اِإِعِبرانِيين

### أَرَبِّي إِكَّا مِيس ذُ أَوْرِيث ن كُورِشِي

1 أَرَبِّي، وُمي اِسْتور اَطَّاس ن ثواروين وُ ذَكِّ واطَّاس ن اِبْرِيذِن اِ رَجْدُوذ س اِمكاشافن،<sup>2</sup> اَقَّا اِسْتور اَكِيذْنغ ذَكِّ وُسَان-ا اِنكُورا س مِيس وُني اِكَّا ذ اُورِيث ن كُورِشِي، س وُني عاوذ اِكَّا دُويث. <sup>3</sup> وَا، وُني ذ ثاللث ن وُعودجِي نَس وُشا ذ طابِع ن نغراس ن ثوصاف نَس، وُني يارثون مارًا ثيمسرايين س واور ن جَهْد نَس، اَقَّا نَتَّا، رامِي اِسِيذَكِّ دَنُوب نَغ س بيخف نَس، اَقَّا اِسارَس اِخف نَس غار يَفُوس ن لعاضيم ذِي رُوعرا،<sup>4</sup> اِذُور اِمغار خ لمالاكات اَم اوارث اِسْم اِسْنا كثار زايست. <sup>5</sup> مِينزِي اِ مان ثن زِي لمالاكات اِنَّا اَرَبِّي عمارص ”مِي اِ ثدجيد شك، اَس-ا نش جِيغ-د شك“، وُشا عاوذ اِنَّا ”نش اَذ اس اِريغ ذ باباس وُشا نَتَّا اَذ ابي ييري ذ مِي“؟<sup>6</sup> وُشا خمي اِ ذ غا اِسِيذَف اَمزُور غار دُويث ثاورا تَضْنِيث، اِنَّا ”اَذ اس سجدنت مارًا لمالاكات ن اَرَبِّي.“<sup>7</sup> وُشا خ لمالاكات اِنَّا ”وُني اِكِّين لمالاكات نَس ذ اِسْمِيضن وُشا اِخدا من نَس ذ اِحذاق ن ثمسي“،<sup>8</sup> ماشا اِثْمَمِيث ”رعارش نك، اُ اَرَبِّي، اَقَّا اِذْجا اِ رْبدا قاع. اَزْدچاض ن وُسكَم، اَقَّا-ث ذ اَزْدچاض ن ثُكْلذِيث نك.“<sup>9</sup> اَقَّا ثُخسذ ناسكُذا، ثشارهذ مِين اِذْجان ضيد ن تاوراث، س وُيْنِي اَقَّا اِذهن اِش اَرَبِّي، اَرَبِّي نك، س زَشث ن رفراحت سَتج اِ اِمعاشارن نك.“<sup>10</sup> وُشا ”شك، اُ اَرَبِّي، ذَكِّ وُبدو ثكِيذ ثامورث وُشا عاوذ اِجْوان اِذْجان ذ رَحْدايم ن اِفاسن نك.“<sup>11</sup> اِنَّا اَذ ثواثحان، ماشا شك اَذ ثدومذ وُشا اِنَّا مارًا اَذ اَرْشان اَم واروِض<sup>12</sup> وُشا اَمشناو اَسْرهام اَذ ثوانضن وُشا اَذ ثوابدَرن، ماشا شك اَذ ثيريد ذ وُني وُشا اِسكُوسا نك وار قَطِين شا.“<sup>13</sup> وَا مان ثنت زِي لمالاكات اِنَّا اِج ن واس ”قِيم غار يَفُوس اِنُور اِ ذ غا كُغ رعذيان نك ذ ثانبذات سادُو اِضارن نك“؟<sup>14</sup> ما وار دجِنت نِيثْنِي ذ اَرُوحا اِ اِمسْخارن، ثواسكَنث-يِد حِيما اَذ سَخارن اِ يِّي اِ غا وارثن اَسْنجم؟

5:1 س.ج. 7:2، 2 سام. 14:7، 1 ا.م. 13:17، 6:1 ثير. 43:32؛ س.ج. 7:97  
7:1 س.ج. 4:104، 9:1 س.ج. 6:45، 7-6:12؛ س.ج. 27-25:102، 13:1 س.ج. 1:110

## أَمْكُوْاذ نَ وَسُنْجَم نَعْ

2 <sup>1</sup>خ وَبِيَّ اِتْحَصَّ اَنْع اَذ نَوْش ثَانِيْت كَنَار اِ مِيْن نَسْرَا، جِيْمَا وَاَر نَتْحَرُوْدُجُوْدُ شَا. <sup>2</sup>مِيْنَزِي، مَارَا اُوَار اِ اِنَّا ن ث لَمَالَاكَث ثُوْغَا-ث نِيْشَان، وُشَا مَارَا اَخْطُوْ ذ رُمُوْعَصِيْبِيْت اَقَا اِتُوَاخْدُجِص، <sup>3</sup>مَامَش اِ غَا نَاْرُوْر نَشِيْن، مَارَا وَاَر نَوْشِي شَا ثَانِيْت اِ وُسُنْجَم اَمَّقْرَان اَم وَاِنِيْثَا خ مِيْنَخَف ثُوْغَا اِسْاَوَار سِيْذِي غَار وُْمُرَاوُرُوْ وُ تَوَاضَمْن اَنْع عَاوْذ اِنِّيْ ثُوْغَا ث اِسْرِيْن، <sup>4</sup>وُشَا اَرْبِيْ اِشْهَد ثَانِيَا اَكِيْس س رَعْرَامَث ذ لَمُوْعَجِيْزَا ذ وَاطَاس ن رَعْجَابِيْ وُرَا س ثَمُوْشِي ن اَرْوَح اِقْدَسْن عِلَاخْسَاب مِيْن اِخْس نَتَا. <sup>5</sup>مِيْنَزِي وَاَر اِسْاَرَس شَا دُوْنِيْت اِ د غَا يَاسْن خ ثِيْ نَسْبُوْر سَاذُو رُوْمُوْر ن لَمَالَاكَث، <sup>6</sup>مَاشَا اِجْن اَقَا اِشْهَد ذِي شَا ن وَمَشَان، اِنَّا ”مِيْن اِعْنَا بِنَاذِم، شَك اِ ذَايْس اِتْخَارَاَصْن، نِيْغ ذ مِيْس ن بِنَاذِم، شَك ذَايْس اِتْهِيْلَان؟“ <sup>7</sup>”شَك ثَكِيْذِث شَوَايْث سَاذُو لَمَالَاكَث، ثَكِيْذِث اِس تَاچ س وُعوْدْجِي ذ شَان وُشَا ثَكِيْذِث خ رَحْدَايْم ن اِفَاسْن نَك.“ <sup>8</sup>اَقَا مَارَا ثِيْمَسْرَايِيْن ثَكِيْذِث نَت سَاذُو اِضَارْن نَس. مِيْنَزِي، اَم اِكَا مَارَا ثِيْمَسْرَايِيْن سَاذُو نَتَا، اَقَا وَاَر اِجِّي وَاَلُو وَاَر ث اِكْثِي سَاذُو نَتَا. مَاشَا رَخُو وَاَر نَزَار عَاذ مَارَا ثِيْمَسْرَايِيْن ثَوَاكْتِث سَاذُو نَتَا، <sup>9</sup>مَاشَا نَتَوَارَا يِشُو، وَنِي ثُوْغَا اِتُوَاكْن شَوَايْث سَاذُو لَمَالَاكَث ذِي سِيْبِيْت ن وُوْدْب ن رُمُوْث جِيْمَا س نَبِعْمَث ن اَرْبِيْ اَذ اِقَاس رُمُوْث اِ مَارَا، نَتَوَارَا ث س تَاچ ن وُعوْدْجِي ذ شَان. <sup>10</sup>مِيْنَزِي ثُوْغَا اِتْرِيْق اِس وُْمِي دْچَانَت مَارَا ثِيْمَسْرَايِيْن ذ مَارَا ثِيْمَسْرَايِيْن دْچَانَت زَايْس، جِيْمَا اَذ يَاوِي اَطَاس ن اِحْنَجِيْرِن غَار وُعوْدْجِي مَاحْنَد نَتَا اَذ اِسْبِيُوْص اَمْكُوْاذ ن وَسُنْجَم نَسْن غَار رَكْمَارْث س وُوْدْب. <sup>11</sup>مِيْنَزِي ذ وَنِي اِسْقَدَسْن ذ يَبِي اِتُوَاقْدَسْن، نِيْبِيْثِي مَارَا زَك اِجْن. خ وَبِيْثِي نَتَا وَاَر اِتْصَضْجِي شَا اَذ اِسْن اِرَاغَا اُوْمَاثْن <sup>12</sup>وُشَا اِقَار ”اَذ بَارْحَغ اِ وَاوْمَاثْن اِنُو س اِسْم نَك، ذِي رُوْط ن ثَمْسُمُوْنَت اَذ شَك سَبْحَغ.“ <sup>13</sup>وُشَا عَاوْذ اِقَار ”نَش اَذ ذَايْس تَبِيْقَغ“ وُشَا عَاوْذ ”اَقَا ذَا، نَش ذ نَاْرُوَا اِنِّي اِ ذ اِبِي اِوْشَا اَرْبِي.“ <sup>14</sup>اَم شَاْرَشْن نَاْرُوَا ذَك وَيُسُوْم ذ اِذَامْن وُرَا ذ نَتَا سِيْمَانَت نَس اِشَارْش اُمُو كِيْفِكِيْفِ ذِي مَان اِيَا، جِيْمَا اَذ اِتْحَا س رُمُوْث نَس وَنِي غَار اِدْچَا صُوْلَطَا خ رُمُوْث، اَقَا نَتَا ذ اِبْرِيْس <sup>15</sup>وُشَا جِيْمَا اَذ اِفْلَكْ مَارَا اِنِّي اِسْعَدُوْن قَاع ثُوْذَارْث نَسْن اَم اِسْمَغَان زِي ثِيْكُوْذِي ن رُمُوْث. <sup>16</sup>مِيْنَزِي س ثِيْذَت، وَاَر ذ اِكْسِي شَا زِي لَمَالَاكَث، مَاشَا زِي زَاْرِيْعَث ن اِبْرَاهِيْم اِ زِي ذ اِكْسِي. <sup>17</sup>خ وَبِيْثِي ثُوْغَا اِتْحَصَّ اِس اَذ اِذُوْر اَمَشْنَاو اُوْمَاثْن زِي مَارَا اِعْزُدِيْسْن، جِيْمَا اَذ اِذُوْر ذ اَزْدَجِيْف ن اِكْهَانَن اَرْجِيْم ذ اَصْدِيْق ذِي مِيْن اِدْچَان اِ اَرْبِيْ، مَاحْنَد اَذ اِسْصِرْح دُّنُوْب ن اِوْذَان. <sup>18</sup>مِيْنَزِي مِيْن ذِي ثُوْغَا نَتَا سِيْمَانَت نَس اِوْدْب اَم اِتُوَاجَارْب، اَقَا اِزْمَار اَذ اِعَاوْن اِنِّي اِتُوَاجَارْبِيْن.

### يشو لمسيح يوغراخ موسى

3<sup>1</sup> خ وُيِّي، أؤمائن إِمَقْدَاسَن، إِمَعاشارن ذِي فُرَاغِيث ن وُجِنَّا، خُزَارَم غَار وُمازان ذ وُزْدَجِف ن إِكْهَانَن ن شَهادت نَع، لَمَسِيح يَشُو،<sup>2</sup> وُيِّي ذ أَصْدِيق اِ وُيِّي اِث-يِد اِسْكَاعَدَن، أَم مامش ثوغا موسى ذ أَصْدِيق خ مارا ثادارث نَس.<sup>3</sup> مِينِزِي ذ وا اِتْواحسب اَس-د ذ اُعُوْدَجِي اَمَقْران خ موسى، اَمَشْناو غار وُيِّي اِبْنا ن تادارث غارس شَان اِمغار سَنَج اِ شَان اِتْواكْن اِ تادارث.<sup>4</sup> مِينِزِي مارا تادارث اِبْنا ن اِجْن، ماشا وُيِّي اِبْنا مارا ذ اَرَبِّي.<sup>5</sup> اَقَّا موسى ذ أَصْدِيق خ مارا تادارث نَس اَم وُخْدام، اَقا-ث اِ شَهادت مِينخف اِ غا اِتْواَسِيور.<sup>6</sup> ماشا لَمَسِيح اَم ثَمَمِث خ تادارث نَس، تادارث نِّي ذ نَشِين، مارا نَقِيم نَتَلَف ذِي تَيْقَث وُ ذَك وُ سِيَم يُوغْران اَر اَنْكَار.

### اَعْرَام ماحند اَذ نَسِر اِثْمِيْجَا ن اَرَبِّي

7<sup>7</sup> خ وُيِّي اَمَشْناو مامش اِقار اَرُوْح اِقْدَسَن ”اَقَّا اَس-ا، مارا ثَسْرِيْم ثَمِيْجَا نَس،<sup>8</sup> وار تَسْتَقْسِيْحِم شَا وُراون نوم اَمَشْناو ذَك وُغُوْغ، ذَك واسن ن وُجَارَب ذِي رَحْرا،<sup>9</sup> ماني ذ اِبِي جَارَبِن رَجْدُوذ نوم، قَدْجِن اِبِي وُشا زَرِين رَحْدايم اِنُو اَرَبِيْعِن ن اِسْكَوْسا.<sup>10</sup> خ وُيِّي حَيْقَغ خ جَبِر نِّي وُشا نَيْغ ’رَبْدا اذ وادرن ذَك وُر نَسْن وُشا وار سِينِن شَا اِثْرِيْدِن اِنُو،<sup>11</sup> اَمُو اِ جُوْدَجَغ ذِي لَعاضاب اِنُو ’وار ذ تِيْدَفْن شَا ذِي اَرَاْحْت اِنُو.“  
12<sup>12</sup> خُزَارَم، اُؤْمائِن، اِنْخَصْصَا وار اِثْرِي رِي حد زَايُوم غارس وُر ذ اَعْفان اِ وار اِثْمِنِن، ماحند اذ ياكوج خ اَرَبِّي اِدَارِن،<sup>13</sup> ماشا زِييارَم اِجْن وَنْضِنِي كُور اَس، رامي عاذ قَارِن ”اَس-ا“، جِيما وُرا ذ اِج زَايُوم وار اِتْقَسِيْح شَا س وِشْمات ن دَانِب.<sup>14</sup> مِينِزِي نَشِين نَذور ذ اِمَعاشارن ن لَمَسِيح، مارا نَشَبار نِيشان ذَك وُيْدُو ن تَيْقَث نَع اَر اَنْكَار.<sup>15</sup> مارا اِتْوانا ”اَس-ا“، مارا ثَسْرِيْم ثَمِيْجَا نَس، وار تَسْتَقْسِيْحِم شَا وُراون نوم اَمَشْناو ذَك وُغُوْغ“،<sup>16</sup> حَنْنِي مِين اِعْنا ن ’نِيْشِنِي رامي ت سَرِين وُشا غُوْعن“؟ ما وار دَجِين نِيْشِنِي مارا ذ اِنِّي ذ اِقْعِن زِي مِيْصْرا اَلْ-ذ موسى؟<sup>17</sup> خ وِي خَف اِحْيِق اَرَبِيْعِن اِسْكَوْسا؟ ما وار اِدْجِي خ اِنِّي اِحْضان، اِنِّي اَرِيْمات نَسْن وَضانت ذِي رَحْرا؟<sup>18</sup> اِ وُيِّي اِحْجُوْج نْتا ”وار ذ تِيْدَفْن شَا ذِي اَرَاْحْت نَس“ مَعْيِر اِ اِنِّي وار ذ اس اِتْكْن اَرَاي؟<sup>19</sup> اَقَّا نْتوارا بَلِّي نِيْشِنِي وار زَمارن اذ اَذْفِن خ سِيْيْت ن نَبْرا لايْمان نَسْن.

## أَرِيحَ ن سَبْثِ إِ رُكْنَسِ نْ أَرَبِّي

4 أَجَّ أَنْعْ أَدْ نَكَّوْذْ خَنْيَّ، بَلِّي وُرَا ذِ إِجِّ زَايُومِ، مَيْشِرَا عَاذِ ذَيْنِ إِجِّ نْ رَوَاعِذِ نْ وَاذَفِ ذِي أَرَاْحَتْ نَسْ، أَدْ إِضْهَارِ أَخْمِي إِقِيمِ غَارِ ضَفَّارِ. <sup>2</sup> مَيْنِزِي إِتَوَابَرْحِ أَنْعِ رُخْبَارِ أَصْبِحَانَ عَاوَدِ، أَمْ إِتَوَابَشَّارِ وُرَا إِ نَيْشْنِي، مَاشَا أَوَارِ إِ سَرِينِ نَيْشْنِي، وَارِ ذَا سِنِ إِنْفِيْعِ شَا، مَيْنِزِي تُوْعَا وَارِ دِ إِتَيْسِ شَا أَكْ-ذِ لِإِيْمَانِ رَامِي ثِ سَرِينِ. <sup>3</sup> مَيْنِزِي نَشْنِينِ أَدْ نَاذَفِ ذِي أَرَاْحَتْ إِئِي يَوْمِنِ، أَمْ مَامَشْ إِنَّا "أَمْ جُودِجَعِ ذِي لِعَاضَابِ إِئِي نَيْشْنِي وَارِ ذِ تَيْذَفْنِ شَا ذِي أَرَاْحَتْ إِئِي"، وَآخَا رُخْدَايِمِ نْ أَرَبِّي أَقَا تَوَاكَمْرَنْتِ زَكَّ وَامِي تَتَوَاكَّ دُونَيْثِ. <sup>4</sup> مَيْنِزِي ذِي شَا نْ وَمَشَانَ إِنَّا خِ وَاسَّ وَيسَّ سَبْعَا أُمُو "خَنْيَّ يَارِيحَ أَرَبِّي زِي مَارَا رُخْدَايِمِ نَسْ ذِكَّ وَاسَّ وَيسَّ سَبْعَا." <sup>5</sup> تُوشَا عَاوَدِ ذَانَيْشَا "وَارِ ذِ تَيْذَفْنِ شَا ذِي أَرَاْحَتْ إِئِي". <sup>6</sup> خَنْيَّ، وَوَمِي ثَقِيمِ عَاذِ بَلِّي شَا أَدْ أَذْفَنِ غَارِ أَرَاْحَتْ نِي وَوشَا إِئِي وَوَمِي إِتَوَابَشَّارِ زَيْشِ وَارِ وَذِيْفَنِ شَا خِ سَبِيْثِ نْ رَمُوعَصِيْثِ نَسْنِ، <sup>7</sup> إِنَيْشِ عَاوَدِ شَا نْ وَاسَّ، أَمْ إِنَّا ذِكَّ وَذَلِيْسِ نْ دَاوُدِ "أَسْ-أ" أَوَارِنِي أَطَاسِ نْ رُوقْثِ، أَمْ مَامَشْ إِتَوَانَا "أَسْ-أ" مَارَا تَسْرِيْمِ ثَوْبِيَجَا نَسْ، وَارِ تُسْقَسِيْحِمِ شَا وَرَاوِنِ نَوْمِ. <sup>8</sup> مَيْنِزِي مَارَا تُوْعَا يُوشُوا إِسْبِيْذِ إِئِنِ ذِي أَرَاْحَتْ، وَارِ غَارِسِ إِتِيرِي عَاذِ رُحَارِضِ خِ إِجِّ نْ وَاسَّ نَضْنِي أَوَارِنِي مَانَ أَيَا. <sup>9</sup> خِ وَوَيْنِي ثَقِيمِ إِشْتِ نْ أَرَاْحَتْ نْ سَبْثِ إِ وَوَيْدُودِ نْ أَرَبِّي. <sup>10</sup> مَيْنِزِي وَيِ يُودَفْنِ ذِي أَرَاْحَتْ نَسْ، أَقَا نَنَّا سِ يِيخْفِ نَسْ 'يَارِيحَ زِي رُخْدَايِمِ نَسْ' عَاوَدِ، أَمَشْنَاوْ أَرَبِّي زِي تَيْنِي نَسْ. <sup>11</sup> إِجْمِ أَنْعِ أَدْ نَمَكَابَارِ، حِيْمَا أَدْ نَاذَفِ ذِي أَرَاْحَتْ نَسْ، مَاحَنْدِ وَارِ إِوْطِي حِدِ أَمْ مَامَشْ وَضَانَ نَيْشْنِي رُخْدَانِي أَمْ وَوَمُذِيَا نْ رَمُوعَصِيْثِ. <sup>12</sup> مَيْنِزِي أَوَارِ نْ أَرَبِّي إِدَارِ، إِجْهَدِ، إِقْضِعْ كَثَارِ زِي كُورِ سَيْفِ سِ ثَنَانِ نْ وَوَمَاوِنِ، إِتَاكُؤَاضِ أَرِ أَبْطُوْنِ رَعْمَارِ ذِ أَرْوَحِ ذِ رَمْفَاصِرِ ذِ وَادُوفِ، إِفَارِزِ إِخَارِيصِنِ ذِ ثَنَاوِي نْ وَرِ. <sup>13</sup> وَارِ ذَيْنِ وُرَا ذِ إِجِّ نْ وَوَمُدَّارِ وَارِ دِ اسِ إِيْبِنِ، مَاشَا مَارَا تَيْمَسْرَايِنِ أَقَا-ثَنْتِ تَوَاعَارِيْنِتِ، تَوَارِزْمَنْتِ غَارِ ثَيْطَاوِيْنِ نْ وَنِي وَوَمِي إِكْ-دِ غَا نَكَّ رُحْسَابِ.

## يَشُوْ ذِ أَرْدَجِيْفِ نْ إِكْهَانِ إِمْغَارِ

<sup>14</sup> خِ وَوَيْنِي أَمْ غَارَنْعِ أَرْدَجِيْفِ نْ إِكْهَانِ إِمْغَارِ وَنِي إِزْوَانَ ذِكَّ إِحْوَانِ، يَشُوْ مَيْسِ نْ أَرَبِّي، أَجَّ أَنْعِ أَدْ نَشَبَّارِ ذِي شَهَادْتِ نَعْ. <sup>15</sup> مَيْنِزِي وَارِ غَارَنْعِ وَوَرْدَجِيْفِ نْ إِكْهَانِ وَارِ إِزْمَارِ أَدْ يَاشَا أَكْ-ذِ تَوْضَعْفَتْ نَعْ، مَاشَا أَقَا إِتَوَاجَارَبِّ ذِي مَارَا أَمْ نَشْنِينِ، مَاشَا نَبْرَا دَانِبِ. <sup>16</sup> أَدْ نَفَّارَبِّ خَنْيَّ سِ تَيْقَثِ غَارِ رَعَارَشِ نْ نَيْعَمْتِ، حِيْمَا أَدْ نَكْسِيِي أَرْحَمْتِ وَوشَا أَدْ نَافِ نَيْعَمْتِ إِ وُعَاوَنِ ذِي رُوقْثِ نَسْ.

5 مِينَزِي كُور اَزْدَجِيْف ن اِكْهَان اِتْوَاكْس-د زَك اِوْذَان، اِتْوَاكْسْكَاعْدَ ذِي طَوْع ن اِوْذَان خ مِين اِدْجَان ن اَرْتِي، ماحنْد اَذ اِقْدَم تِيْمُوْشا ذ نَعَاْرَصِيْن خ دَنْوْب <sup>2</sup>وْشا اِزْمَار اَذ اِحِيْن خ اِقْوَبَانِيَيْن ن اِمُوْدَارن، مِينَزِي وُرَا ذ نَتَا سِيْمَانْت نَس اِتْوَاكْسْوَاضِع اِ ثَوْضَعَفْت <sup>3</sup>وْشا س مان اَيَا ذ اِشْتَن اِنْخَصَّ اس اَذ اِسْكَاعْدَ تِيْعَاْرَصِيْن خ دَنْوْب ن وَيْدُوْد وْشا عاوْذ خ دَنْوْب ن يِيخْف نَس. <sup>4</sup>وُرَا ذ اِحْن مَّا اَذ اِكْسِي اِيِيخْف نَس شَان، مَعِيْر وْتِي اِتْوَارِغَان زِي اَرْتِي، اَمَشْنَاو هَارُون. <sup>5</sup>اَمُوْ عاوْذ لَمْسِيْح وَا ر اِسْعُوْدَجِي شَا اِخْف نَس، حِيْمَا اَذ اِذْوَر ذ اَزْدَجِيْف ن اِكْهَان، ماشا وْتِي ذ غَارَس اِسْتِيورن ”شك ذ مِي، نَش جِيْع-د شك رَخُو“، <sup>6</sup>اَمَشْنَاو مِين اِنَّا عاوْذ ذِي مَانِي نَضْنِي ”شك ذ اَكْهَان اِرْبدا خ رَحْسَاب ن وُسْتَف ن مالِكِيصَاذِيْق.“ <sup>7</sup>ذَكْ وُسَان ن وَيْسُوْم نَس، اَقَا اِقْدَم تازاْدَجِيْث ذ ثُوْترا س اِغُوِيَان اَطَّاس ذ اِمَطَّوْن اِ وْتِي ثُوْغا اِزْمَارن اَذ اِث اِفَكْ زِي رَمُوْت وْشا اِسْرا اس اَرْتِي وُمِي ثُوْغا اِتْكَوْذ. <sup>8</sup>نَتَا، وَاخَا ثُوْغا-ث ذ ثَامْمِيْث، اَقَا اِرْمَد طَاعْت زِي مِين خَاس اِكِين ذ اَوْدَب <sup>9</sup>وْشا وُمِي اِكْمَر، اِذْوَر ذ رَعُوْنِصَار اِ وُسَنْجَم ن رْبدا اِ مَارَا اِنِّي ذ اس اِطَاعن <sup>10</sup>وْشا اَرْتِي اِكْتِي ث ذ اَزْدَجِيْف ن اِكْهَان علاَحْسَاب اَسْتَف ن مالِكِيصَاذِيْق.

### اَعْرَام ماحنْد وَا ر نَتُوْدَارِي شَا

<sup>11</sup>اَقَا غَارِنَغ اَطَّاس مِين اِ غَا نِيْنِي خ وَا نِيْثَا، اِوْعَار اَذ اِث نَفْسَار، رَامِي تَنْدُوْرَم ثُوْعَارَم اَذ تِسْرَم. <sup>12</sup>وَاخَا ثُوْغا اِنْخَصَّ اَذ تِيْرِيْم ذ اِمْسْرِمَاذِن خ مِين نَقَّار رُوْقْث، اَقَا اِنْخَصَّ اَوْم عَاذ اَذ اوم سَرْمَدَن تِيْمَسْرَايِن تِيْمَزُوْرَا ن وَاوَار ن اَرْتِي، كَنْبُو تَحْدَاْجَم عَاذ اَغْي، مَاشِي مَاشَا اِحْهَذَن. <sup>13</sup>مِينَزِي كُور اِحْن وْتِي اِشَارَشَن ذَكْ وُغْي، وَا ر اِقْدَخ وَاوَار ن تُسْكَذَا، مِينَزِي نَتَا ذ اَسِيْجِي. <sup>14</sup>ماشَا مَاشَا اِحْهَذَن اِفْغ-د اِ يَنِي اِمْغَارن اِنِّي اَقَا نُومَن اَذ ذَارَبِن ثَاشِيْث نَسْن حِيْمَا اَذ فَاْرَزَن رَخَار خ رَغَار.

6 اِخ وُيْنِي اَذ نَجْ ثَامَزُوَارُوْت ن نَعُوْرِي ن لَمْسِيْح، اَذ نُوِيورِ زَاث غَار وُكْمَر، مَاشِي اَذ نَسَارَس ثَاوَارَا نَضْنِيْث ذَسَاس ن ثُوْبْث ذ رَحْدَايِم اِمُوْشَن ذ اِلِيْمَان زِي اَرْتِي <sup>2</sup>ذ نَعُوْرِي ن وُسْغَضَاص ذ وُسَارِيْي ن اِفَاسْنَن ذ نُوْكَرَا زَكْ اِمْتَبِنَن ذ لِحِيْسَاب اِرْبدا. <sup>3</sup>اِحْ اَنْغ اَذ نَكْ مان اَيَا، مَارَا اِسْمَح اَرْتِي. <sup>4</sup>مِينَزِي، اِنِّي وُمِي اِتْوَارِزَم اَسْن تِيْطَلُوْبِن نَسْن اِشْتَن ن ثُوَارَا وْشا قَاسَن اَمُوْشِي ن وُجْتَا وْشا ذُوْرَن ذ اِمْعَاشَارن ن اَرُوْح اِقْدَسْن <sup>5</sup>وْشا قَاسَن اُوَار اِشْتَان ن اَرْتِي ذ رَعْجَايِب ن رُوْقْث اِ د غَا يَاسَن، <sup>6</sup>خَنِّي وُضَان، وَا ر اِزْمَار اَذ عَقْبِن ثَاوَارَا نَضْنِيْث غَار ثُوْبْث، اَم نِيْشِيْ صَلْبِن مِيْس ن اَرْتِي اِشْتَن ن ثُوَارَا نَضْنِيْث اِ

يِيخف نَسْن وُشَا سَنَهْزَان زَايَس. <sup>7</sup> مِينَزِي تَامُورْت نَتِّي إِسْسَن أَنْزَار وَتِي خَاس إِشَانَن زِي رُوقْت غَارِ إِنْصَنِي وَشَا سَنَغَمِي أَعْمُوي إِشْنَا إِيْنِي وَمِي تَتَوَافَدُجَح، ذ نَتِّي إِ ذ إِكْسِين لِبَارَاكَا زِي أَرَبِي. <sup>8</sup> مَاشَا مَارَا تَسْغَمِي-د إِسْتَانَن ذ نَسْكَرَا، أَقَا تُودَس إِ نَعْرْت وَشَا أَنْكَار نَس ذ أَكْحَض س تَمْسِي. <sup>9</sup> مَاشَا مِين ذ أوم إِتْخَصَا، أ إِمْعِيْزَن، وَآخَا نَسِيور أَمُو، أَقَا نَتَوَاسَقْنَع أَقَا ذِين مِين إِدْجَان حَسَن مَانِيَس ذ انغ-د إِ غَا يَكْ وَسَنَجَم. <sup>10</sup> مِينَزِي أَرَبِي وار إِدْجِي ذ وَتِي وار إِسْكَذَن جِيْمَا أَذْ أَتُو رْخَدْمَت ذ نَائِرِي نَتِّي تُوْغَا تَسْشَنَم إِ يِيَسَم نَسْ أَم تُوْغَا كَتِيو نَسْخَارَم إِ مَقْدَاسَن وَشَا تَسْخَارَم أَسَن عَاذ. <sup>11</sup> مَاشَا ذَائِنَغ مَزْرِي جِيْمَا كُور إِجَن زَايُوم أَذْ إِسْتَن مَحَاض ذ إِجَن أَر أَنْكَار، أَر إِ غَا إِتَوَاكَمَر وَسِيْم نِيْشَان، <sup>12</sup> جِيْمَا وار تِيْرِيْم ذ إِمْعَلْكَاز، مَاشَا أَذْ تِيْرِيْم ذ إِمَضْفَارَن ن يَتِي س لِإِيْمَان ذ تَاسِيَع ن رْخَاضَار أَذْ وارْتَن رُوعُود.

### أَضْمَان ن رُوعَد ن أَرَبِي

<sup>13</sup> مِينَزِي رَامِي إِوَاغْد أَرَبِي إِ إِبْرَاهِيْم، إِجُودْج س يِيخف نَس، مِينَزِي وار إِزْمَار أَذْ إِجَادْج س وَنْصَنِي إِمْغَار خَاس، <sup>14</sup> إِقَار ”س نِيذت أَم تَبَارَكْغ أَذْ اش بَارَكْغ وَشَا أَم أَرْنِيغ أَذْ اش أَرْنِيغ.“ <sup>15</sup> وَشَا أَمُو، أَم إِتْصَبَار، أَقَا إِكْسِي رُوعَد. <sup>16</sup> مِينَزِي إِوْدَان جُودْجَن غَار مِين إِدْجَان ذ مَقْرَان خَاسَن وَشَا تَاجَادْجِيْت نِي إِ نِيْشَنِي ذ أَضْمَان ذ وَنْكَار ن مَارَا أَمْشُوبْش. <sup>17</sup> خ وَبِيْئِي إِضْمَن أَرَبِي رُوعَد س إِشْت ن تَاجَادْجِيْت أَم تُوْغَا إِخْس أَذْ إِسْتَن س وَفِيْض إِ إَوْرِيْشَن بَلِي نَتَا وار إِتْبَدِيْر شَا شُور نَس، <sup>18</sup> جِيْمَا، س نَتَانِن ن تَمْسَرَايِن وار تَبْدِيْرِنْت شَا، أَم وار إِزْمَار خَتِي أَذْ إِسْخَارَقْ أَرَبِي ذِي مَان أَيَا، أَذْ ذَائِنَغ إِتَوَاكْ وَر س وَطَاس، أَقَا ذَائِنَغ ذِي نَشِيْن إِئِي ذَائِس إِشْتَارَن، جِيْمَا أَذْ نَطْف ذَكْ وَسِيْم إِ إِتَوَاكْن زَانَنَغ، <sup>19</sup> ذ وَتِي غَارَنَغ أَمَشْنَاو أَيْرِيْزِيْم إِ رَعْمَار، نِيْشَان وَ إِمَشَن، إِ ذ إِتَادْفَن غَار ذَاخِر ذَكْ وَفَدَاسْ خ وَفَدَاسْ أَوَارَنِي أَرُوق، <sup>20</sup> مَانِي يُوْذَف يَشُو وَتِي إِ ذ انغ إِزُورَان خ تِيْزِي نَغ، أَقَا إِذُور ذ أَزْدَجِيْف ن إِكْهَانَن إِ رِبْدَا عِلَاْحَسَاب أَسْتَف ن مَالِكِيْصَادِيْق.

### مَالِكِيْصَادِيْق ذ أَجْدَجِيْد ن سَالِيْم ذ وَكْهَان ن أَرَبِي

**7** مِينَزِي مَالِكِيْصَادِيْق-، وَتِي ذ أَجْدَجِيْد ن سَالِيْم ذ وَكْهَان ن أَرَبِي إِ إِعُودْجَن خ مَارَا مِين إِدْجَان ذ وَتِي إِفْعَن جِيْمَا أَذْ إِرْقَا إِبْرَاهِيْم رَامِي د إِذُور زِي تَارْزِيْت ن إِجْدَجِيْدَن، ذ وَتِي تُوْغَا إِبَارَكْ اس إِ إِبْرَاهِيْم <sup>22</sup> وَ إِبْرَاهِيْم إِوْشَا اس رَعْشُور زِي مَارَا، أَمْزُورَا أَقَا نَتَا ذ أَجْدَجِيْد ن نَسْكَذَا عِلَاْحَسَاب أَفْسَارَن يِيَسَم نَس، خَتِي عَاوَدْ أَجْدَجِيْد

ن سالييم، مين إخس أذ بيني 'أجدجيد ن رهنا'.<sup>3</sup> أقا ننا نبرا ثاباباث، نبرا ثايماث، نبرا جاذيرا، وار غارس إدجي ومزوار ن وسان نيغ أنكار ن ثودارث. ماشا ننا إتواكث ماخذ أذ ياروس ذي ميس ن آربي، أقا ننا إقيم ذ أكهان إربدا. 4 خزارم رخو، مشحار ثوغا إمغار وا، ونى ومي إوشا جدبنيغ إبراهيم رعشور زي مين ذ إطف زك إجدجيدن ني. 5 خني إني إكسين ثاكهانت زك إيث ن لاوي، أقا غارسن ناوصيث علاحساب تاوارث جيما أذ كسين رعشور زك ويدوذ، أعنا زك أئثمانسن، واخا نيثي فغن-د زي ذواخر ن إبراهيم. 6 ماشا مالكيصاذيق ونى وار إزمارن أذ زايسن إحسب جاذيرا، إكسي زي إبراهيم رعشور وشا إبارك إ ونى ومي غار إدجا روعوذ. 7 أقا نبرا أوار، ونى إدجان قل، أقا إتوبارك زك ونى إدجان حسن زايس. 8 أقا ذيني إوذان إفتان كسين رعشور، ماني نضني ونى خاس إشهذن بلي ننا إدار ذ ونى إكسين رعشور. 9 وشا أمو نرمار أذ بيني بلي ذي إبراهيم إعشار عاوذ لاوي، لاوي ونى إكسين رعشور، 10 مينزي ثوغا-ث عاذ ذي ذواخر ن باباس آرامي أكيدس إمساکار مالكيصاذيق.

### يشو ذ مالكيصاذيق

11 خني مارا ركمارث ثوغا-ث خ ثكهانت ن لاوي، مينزي ساذو نس ثوغا إكسي ويدوذ تاوارث، مايمي عاذ إتحص أذ إكار وكهان نضني علاحساب أستف ن مالكيصاذيق، زي مان ون وار ث نين شا أقا ننا علاحساب أستف ن هارون؟ 12 مينزي مارا نبرد ثكهانت، إتحص عاوذ أذ نبرد تاوارث. 13 مينزي ونى مينخف إتوانا مان أيا، أقات زي تقيبتش نضنيث، زي ثني ورا ذ إج وار إقدم شا إحف نس إوعالطار. 14 أقا باين بلي سيذبنيغ إغ-د زي ياهودا، ونى وار خ إسور موسى ورا س إج ن واور خ ثكهانت. 15 وشا مان أيا إبان قاع مليح، رامي د إكار وكهان نضني س وارواس ن مالكيصاذيق، 16 ونى وار إتواكث علاحساب تاوارث س إشت ن ثوصيث زي جيهد ن ويسوم، ماشا علاحساب جهذ ن ثودارث وار إتاردذن. 17 مينزي ننا إشهذ خاس "شك ذ أكهان إربدا علاحساب أستف ن مالكيصاذيق." 18 مينزي ناوصيث نني ثوغا قبر، ثتوابطر زي سبيث ن ثوضعت نس و زي سبيث نبرا نفاع نس. 19 مينزي تاوارث وار ثكثير ورا ذ إشت ن رحاجث، ماشا ثناوي غار وويسم نضني حسن زايس إزي إغا نادس آربي. 20 أقا ذ مان أيا وار إدجي شا نبرا ثاجادجيث، 21 مينزي إيث ن لاوي نيثي ذورن ذ إكهانت نبرا ثاجادجيث، ماشا ننا س إشت ن ثاجادجيث زك ونى ذ اس إنا "أقا سيذي إجودج، وار إتبدير شا آراي نس 'شك ذ أكهان إربدا علاحساب أستف ن مالكيصاذيق' ". 22 خ ويني إذور ذ يشو ذ

أَضْمَان ن إِج ن رَعَاهذ قَاع حَسَن. <sup>23</sup>أَقَا ذِيْن عَاوَدَ أَطَاسْ إِيْبِي إِذْوَرَن ذِ إِكْهَانَن، مِيْنَزِي رَمُوْث تَمْنَعِ إِثْنِ أَذْ قِيْمِن. <sup>24</sup>مَاشَا وَا، مِيْنَزِي إِتْعِيْمَا إِ رِبْدَا، أَقَا غَارَسْ إِشْتَن ن تَكْهَانَتْ وَا رِئِدِّيْر شَا. <sup>25</sup>سَ وُيْنِي إِزْمَارْ أَذْ إِسْتَنْجَم سَ رَكْمَارْتْ مَارَا إِيْبِي زَايَسْ إِ غَا أَوْضَن غَارَ أَرِيْبِي مِيْنَزِي نَتَا إِدَارَ إِ رِبْدَا حِيْمَا أَذْ ذَايْسِن إِشْفَاع. <sup>26</sup>مِيْنَزِي تُوْغَا إِتْرِيْقْ أُنْغِ إِج ن وُزْدَجِيْف ن إِكْهَانَن أَمْ وَايِنِشَا، أَمَقْدَاسْ، نَبْرَا رَعَشْ ذِ تَاخْمُوْجِي، إِتْوَاْفَارْزَن زَكْ إِمْدَنَاب، يُوْعِرَان خَ إِجْنَوَان، <sup>27</sup>وَنِي وَا رِغَارَ إِدْجِي رَخْصَ، أَسْ خَ وَا سَ أَمَشْنَاوْ إِزْدَجِيْفَن ن إِكْهَانَن نَضْنِي، حِيْمَا أَذْ إِقْدَمْ أَمْزَوَارْ تِيْعَارْصِيْن خَ دَنْوَبْ نَسْ، خَنِي عَاوَدْ خَ دَنْوَبْ نَ وَيْدُوْذْ، مِيْنَزِي أَيْبَا إِكْثَ إِثْ إِشْتَن ن تُوَارَا إِ رِبْدَا قَاع، رَايِي إِوْشَا إِخْفَ نَسْ ذِ تَاغَارْصَتْ. <sup>28</sup>أَقَا تَاوْرَاثْ شَسْكَاعْذْ إِوْدَانْ إِضْعَفَن ذِ إِزْدَجِيْفَن ن إِكْهَانَن، مَاشَا أَوَارَن تَجَادْجِيْثْ وَنِي أَوَارِيْبِي تَاوْرَاثْ إِسْكَاعْذْ مِيْسْ وَنِي إِتْوَاكْمَرَن إِ رِبْدَا.

### أَزْدَجِيْف ن إِكْهَانَن ن رَعَاهذ ن جَدِيْد

**8** <sup>1</sup>وَا لَمْوْفِيْذْ زِي مِيْنِ إِتْوَاتَانْ، أَقَا غَارَنْغِ إِج ن وُزْدَجِيْف ن إِكْهَانَن وَنِي إِقِيْمِن غَارَ يُوْوسْ ن رَكُوْرِيْبِي ن لِعَاْصِيْمِ ذَكْ إِجْنَوَان، <sup>2</sup>أَقَا-ثْ ذِ أَمْسَخَارَن وَخَامْ إِقْدَسْن ذِ وُقِيْضُوْنِ إِقْدَسْن ذِ نِيْذَتْ إِيْبِي إِسْكَاعْذْ أَرِيْبِي وَا رِإْدْجِي ذِ نَبَاذَم. <sup>3</sup>مِيْنَزِي كُوْرَ أَزْدَجِيْف ن إِكْهَانَن إِتْوَاْسْكَاعْذْ حِيْمَا أَذْ إِوْشْ تِيْمُوْشَا ذِ تَعَارْصِيْن. خَ وُيْنِي تُوْغَا إِتْخَصَّصْ أَسْ إِ وَايِنِشَا عَاوَدَ أَذْ غَارَسْ يِيْرِي شَا حِيْمَا أَذْ إِوْشْ. <sup>4</sup>مَاعَلِيْكَ إِدْجَا ذِي تَمُوْرْتْ، نَتَا وَا رِإْتِيْرِي وُرَا ذِ إِكْهَانَن، مِيْنَزِي أَقَا-ثْنِ ذَا إِيْبِي إِقْدَمْنِ تِيْمُوْشَا عِلَاْحْسَابْ تَاوْرَاثْ، <sup>5</sup>إِيْبِي إِسْخَارَن إِ وُْمَذِيَا ذِ تِيْرِي ن مِيْنِ إِدْجَانْ ذَكْ وُجْنَا، أَمَشْنَاوْ مَامَشْ إِعْرَمْ إِ مُوسَى وُْمِي تُوْغَا إِرْهَا أَكْ-ذِ وُقِيْضُوْنِ إِقْدَسْن، مِيْنَزِي إِيْبَا "حَضَاتْ، أَذْ تَكْذَ مَارَا أَمَشْنَاوْ لِمَاثَالْ وَنِي ذِ أَشْ سَشْنَعْ خَ وَذَرَارَ." <sup>6</sup>مَاشَا رَحُوْ نَتَا إِكْسِي تَاكْهَانَتْ تَشْنَا كَثَارَ، وُْمِي نَتَا ذِ أَمْسَصْرَاخْ ن إِج ن رَعَاهذْ حَسَنَ زَايَسْ، إِتْوَاكْنِ خَ رُوْعُوْذْ إِشْنَان. <sup>7</sup>مِيْنَزِي مَارَا تُوْغَا رَعَاهذْ أَمْزَوَارُوْ نَبْرَا رَعِيْبْ، وَا رِإْتِيْرِي عَاذْ وَمَشَانْ إِ وَنِي ذِ وِيْسْ نَتَايْنِ. <sup>8</sup>أَمْ يُوْفَا ذَايْسِنَ رَعِيْبْ، إِقَارَ "أَقَا ذَا، أَذْ دَ اسْنِ وُسْتَانْ، إِيْبَا سِيْذِي، خَمِي إِ غَا كَمْرَغْ خَ نَاذَارْتْ ن إِسْرَائِيْلَ وُخَ نَاذَارْتْ ن يَاهُوْذَا إِج ن رَعَاهذْ ن جَدِيْدْ، <sup>9</sup>وَا رِإْدْجِي أَمَشْنَاوْ رَعَاهذْ وَنِي كَيْغِ أَكْ-ذِ رَجْدُوْذْ نَسْنِ ذَكْ وَا سَ مِيْنِ ذِي ثَنْ طَفْغِ زَكْ وُفُوْسْ، كُوْذُغْ ثَنْ زِي تَمُوْرْتْ ن مِيْصْرَا، مِيْنَزِي نِيْثِي وَا رِقِيْمِن شَا ذِي رَعَاهذْ إِئُوْ وُشَا نَشْ وَا رِ ذِ اسْنِ وُشِيْغِ نَائِيْثْ، إِقَارَ سِيْذِي. <sup>10</sup>مِيْنَزِي ذِ وَا ذِ رَعَاهذْ إِ غَا كَيْغِ أَكْ-ذِ نَاذَارْتْ ن إِسْرَائِيْلَ أَوَارِيْبِي وُسْتَانْ نِي، إِيْبَا سِيْذِي، أَذْ كَيْغِ إِزْرَفَانْ إِئُوْ ذِي رَعْفَرْ نَسْنِ وُشَا أَذْ ثَنْ أَرِيْغِ ذَكْ وُرَاوَنِ

نَسْن وُشَا نَشْ أَدْ اسن إْرِیغْ ذْ أَرْبِي، نِيْتِييْ أَدْ اِيِي إْرِينْ ذْ اَيْدُوذ. <sup>11</sup> وار سَرْمِيذْنْ شَا عَاذْ كُورْ إِجْ اَمْقَارَبْ نَسْ نِيغْ كُورْ إِجْ وُماسْ اَمْ قَارَنْ 'سَنْ اَرْبِي!' مِيَنْزِيْ مَارًّا اَذْ اِيِي سَنْنْ سْ وُمْرِيانْ ذْ وُمْقَرانْ. <sup>12</sup> مِيَنْزِيْ نَشْ اَذْ اَرْحَمْعْ خْ مِيْنْ وار اِسْكَذَنْ ذَائِسَنْ وُشَا ذَنْوَبْ نَسْنْ ذْ اِحْطَاَنْ نَسْنْ وار ذَائِسَنْ تَفْكَارْغْ عَاذ. <sup>13</sup> رايي اِنَّا 'جَذِيذْ، اَقَّا اِكَّا رَعَاھْذْ اَمْرُوْرُوْ ذْ اَقْدِيْمْ. حَنْيْ مِيْنْ اِذْوَرَنْ يارِشَانْ وُشَا اِدُويسارْ، اَقَّا اِكُورْ اَذْ اِنَّا.

### اَعْبَاذْ ذَكْ وُقِيضُوْنْ اِقْدَسَنْ

9 ائُوغا حَنْيْ عَاوْذْ غَارْ رَعَاھْذْ اَمْرُوْرُوْ رَفْرُوْضْ اِسْكَذَنْ نْ دِيْنْ ذْ وُمِشَانْ نَسْ اِقْدَسَنْ ذِيْ دُونِيْتْ-ا. <sup>2</sup> مِيَنْزِيْ اَقِيضُوْنْ اِقْدَسَنْ ئُوغا اِتْوَاعْدَرْ، اَقَّا اَمْرُوْرُوْ نَسْ قَارَنْ اسْ 'اَقْدَاسْ، ئُوغا ذَائِسْ رَقَنْذِيْرْ ذْ طَّابِراْ ذْ وُغْرُوْمْ نْ وُسْشَانْ. <sup>3</sup> اَوَارِنِيْ اَرْوَاقْ وِيْسْ ثَنانِيْنْ ئُوغا ذِيْنْ اَقِيضُوْنْ قَارَنْ اسْ 'اَقْدَاسْ خْ وُقْدَاسْ' <sup>4</sup> غَارَسْ اِسْثَنْ نْ ثَمْجَمَارْثَنْ نْ وُورْغْ اِ رِبْخُوْرْ ذْ صَنْدُوْقْ نْ رَعَاھْذْ اِغْدَجْفَنْ سْ وُورْغْ غَارْ مَارًّا اِغْزْدِيْسَنْ: ئُوغا ذَائِسْ اِجْ نْ وُزْنِيْبَرْ نْ وُورْغْ ذَائِسْ 'مانا' ذْ تَعَارْشْتَنْ نْ هَارُوْنْ ثَنِيْ اِنْوَانُوْوشَنْ ذْ ثَرْوِيْحِيْنْ نْ رَعَاھْذْ. <sup>5</sup> سَنْجْ اِ مَانْ اَيَّا اَقَّا ذِيْنْ 'اِحْيِرُوْويْن' نْ رَعَزْ (اِنِّيْ اَمِشَاوْ لِمَالاكاثْ)، اِنِّيْ اِدْرِيْنْ 'رُكُوْرِيْسِيْ نْ اَرْحَمْثْ' (وَتِيْ ذْ ثاقْبَارْثَنْ نْ صَنْدُوْقْ نْ رَعَاھْذْ) سْ ثِيْرِيْ نْ وافرِيوْنْ نَسْنْ، وار نَزْمَارْ رَحُوْ اَذْ خاسْ نَسِّيُوْرْ سْ وَاوارْ ذْ اَزِيْنْ. <sup>6</sup> وُمِيْ تَواسُوْجَذَنْتْ ثِيْمَسْرانِيْنْ-ا اَمُوْ، حَنْيْ ئُوغا اِكْهَانْ تاذْفَنْ رَبْداْ ذَكْ وُقِيضُوْنْ اِقْدَسَنْ اَمْرُوْرُوْ حِيْماْ اَذْ كَمْرَنْ رَحْدَمْثْ اِ اَرْبِي، <sup>7</sup> ماشاْ ذَكْ وَتِيْ وِيْسْ ثَنانِيْنْ اَزْدَجِيْفَنْ نْ اِكْهَانْ وَاھاْ ذْ وَتِيْ اِتاذْفَنْ اِسْثَنْ نْ ثُواراْ ذَكْ وُسْكَوْاسْ وَاھاْ، وار اِدْجِيْ نَبْرَا اِذامَنْ، اِقْدَمْ اِثَنْ خْ يِيخْفَنْ نَسْ وُراْ خْ ذَنْوَبْ اِ اِكَّا وِيْدُوْذْ ذِيْ ثَقُوْبَانَشْتْ نَسْ. <sup>8</sup> سْ وُياْ ئُوغا اَرْوَحْ اِقْدَسَنْ اِسْشَانْ بَلِيْ اَبْرِيْذْ غَارْ وُقْدَاسْ وار يارْزِيْمْ عَاذْ مِيْنْ غايْكَْ عَاذْ وُقِيضُوْنْ اَمْرُوْرُوْ اِيْدْ. <sup>9</sup> مانْ اَيَّا ذْ اَمْذِيَاْ اِ رُوْقْثَنْ نْ يِيضاْ، اَمْ ئُوغا تَقْدَامَنْ صَدْقاْفِيْ ذْ ثِيغَارْصِيْنْ ثِيْناْ وار زَمَارَنْتْ اَذْ سَقَنْعَنْتْ ثانْفَسْشْتَنْ نْ وَتِيْ اِئِنْتْ اِقْدَمَنْ، <sup>10</sup> اَقَّا وُسيْنْثْ-يْدْ سْ ماشاْ ذْ نَسْسِيْ ذْ شَكْلَنْ نْ رُوْضُوْ وُشَا سْ رَفْرُوْضْ اِسْكَذَنْ عَلاَحْسابْ اَيْسُوْمْ وَاھاْ، تَوامُوْرَنْتْ اَرْ رُوْقْثَنْ نْ وِعْذارْ.

### اَعْبَاذْ سْ اِذامَنْ نْ يِيْشُوْ لَمَسِيْحْ

<sup>11</sup> ماشاْ لَمَسِيْحْ اِ ذْ يُوْسِيْنْ، اَقَّا-ثْ ذْ اَزْدَجِيْفَنْ نْ اِكْهَانْ خْ رُخارْ اِ دْ غاْ ياسَنْ، اَقَّا اِكَّا خْ وُقِيضُوْنْ اَمْقَرانْ اِكْمَرَنْ وَتِيْ وار اِتْوَاكْثَنْ شَا سْ اِفاسَنْ، وار اِدْجِيْ عَاوْذْ زِيْ مِيْنْ اِنْوَاخْرَقَنْ، <sup>12</sup> وُشَا مانْ اَيَّا وار ئُوغِيْ سْ اِذامَنْ نْ اِغايْضَنْ وُراْ نْ اِعْجَمِيْيَنْ، ماشاْ سْ

إِذَامَنْ نَسَّ أَقَا يُؤَدِفُ إِشْتَنْ نَ ثَوَارَا ذَكَّ وَقُدَّاسَ، إِكْسَبَ اسْلَاكًا إِ رِبْدَا. <sup>13</sup> مِينِزِي مَارَا  
 إِذَامَنْ نَ إِفُونَانَسَنْ ذَ إِغَايُضَنْ ذَ إِغْضَنْ ذَ وَعُجْمِييَ إِ إِتَوَارُوشَنْ خَ إِنِّي إِتَوَاخْمَجَنْ، أَقَا  
 قَدَّسَنْ إِ تَارْدُوخِييَ نَ وَيُسُومَ، <sup>14</sup> مَشْحَارَ عَاذَ إِذَامَنْ نَ لَمَسِيحَ، وَنِيَّ إِوَشِييَنْ إِخْفَ نَسَّ إِ  
 أَرَّبِييَ سَ أَرُوحَ نَ رِبْدَا ذَ ثَاغَارَصْتَ وَارَ ذَائِسَ بُو رَعِيْبَ، إِ غَا اسْتِيْزِدَكَنْ ثَانَفَسَشْتَنْ نَغْ  
 زِي رَحْدَايِمَ إِمُوثَنْ حِيْمَا أَذَ نَخْدَمَ أَرَّبِييَ إِدَارَنْ؟ <sup>15</sup> خَ قُيْنِييَ نَتَا ذَ أَمْسِيْرَاحَ نَ رَعَاهَدَ  
 نَ جَدِيْذَ، حِيْمَا، سَ رَمُوثَ نَسَّ ذِي طَوْعَ نَ وَفَكِييَ نَ إِخْطَانَ إِ إِكْنِي سَاذُو رَعَاهَدَ  
 أَمْزَوَارَ، إِنِّي إِتَوَارَاغَانَ أَذَ وَارْتَنْ رَوَاعَدَ نَ رَوَارْتَنْ نَ رِبْدَا. <sup>16</sup> مِينِزِي مَانِييَ إِدْجَا رَعَاهَدَ،  
 إِتْخَصَّ أَذَ ثَوَاْسَارَكْتَبَ رَمُوثَ نَ وَنِيَّ إِكْنِي رَعَاهَدَ، <sup>17</sup> مِينِزِي رَعَاهَدَ أَذَ إِدْوَرِ إِصْرَحَ  
 خَمِييَ إِ غَا إِمْتَ حَدَ، وَارَ إِتِيرِييَ شَا عَاذَ نِيْشَانَ مِيْنِ غَا يَكَّ إِدَارَ وَنِيَّ إِكْنِي رَعَاهَدَ.  
<sup>18</sup> زِي مَانَ أَيَا وُرَا ذَ رَعَاهَدَ أَمْزَوَارَ وَارَ إِتِيرِييَ شَا عَاذَ نِيْشَانَ نَبْرَا إِذَامَنْ، <sup>19</sup> مِينِزِي أَوَارِنِي  
 رَامِييَ ذَ إِغْرَا مَوْسَى مَارَا نِيْوَصَانَ تَاوْرَاتَ إِ وَيْدُوذَ، إِكْسِييَ إِذَامَنْ نَ إِعْجَمِييَنْ ذَ إِغَايُضَنْ  
 أَك-ذَ وَامَانَ وُرَا ذَ نَاضُوفَتَ تَازَكُوَاغَتْ ذَ سَبُونَخَانَ هِيْسُوبَ، خَتْنِييَ أَقَا إِرُوشَ وَذَلِيْسَ  
 نِييَ ذَ إِوْدَانَ مَارَا، <sup>20</sup> أَمَ إِقَارَ ”إِنَا ذَ إِذَامَنْ نَ رَعَاهَدَ إِ ذَ اومَ يَوْمُورَ أَرَّبِييَ“. <sup>21</sup> ثَوَاغَا إِرُوشَ  
 عَاوَدَ أَقِيْضُونَ إِقَدَّسَنْ ذَ مَارَا رَقْشُوعَ نَ ثَكْهَاتَ سَ إِذَامَنْ. <sup>22</sup> عَرَاْحَارَ مَارَا إِتَوَاْسِيْزِدَكْ  
 سَ إِذَامَنْ عِلَاخْسَابَ تَاوْرَاتَ وَشَا نَبْرَا أَسِيْزَرَ نَ إِذَامَنْ وَارَ ذِيْنِ إِدْجِييَ شَا وَغْفَارَ. <sup>23</sup> ثَوَاغَا  
 قَاعَ إِتْخَصَّ أَذَ تَوَاْسِيْزِدَكَنْ رَمُوثَ نَ ثِيْمَسْرَايِيْنِ إِ إِدْجَانَ ذَكَّ وَجَنَّا، مَاشَا مِيْنِ إِدْجَانَ  
 ذَكَّ وَجَنَّا سِيْمَانَتَ نَسَّ سَ ثِيْغَارَصِييَنْ (=دَبَايِخَ) إِشْنَانَ زِييَ ثِيْنَا. <sup>24</sup> مِينِزِي لَمَسِيحَ  
 وَارَ يُؤَدِيْفَ شَا ذَكَّ وَقُدَّاسَ إِتَوَاكَنْ سَ إِفَاسَنْ، ذَ وَنِييَ نَتَا ذَ لِمَاثَالَ نَ مِيْنِ إِدْجَانَ ذَ  
 ثِيْذَتَ، مَاشَا ذَكَّ وَجَنَّا سِيْمَانَتَ نَسَّ، حِيْمَا أَذَ إِضْهَارَ رَحُوْ خَانِغَ قِيْبَاتَشَ إِ أَرَّبِييَ.  
<sup>25</sup> وَارَ إِدْجِييَ عَاوَدَ حِيْمَا أَذَ إِقْدَمَ إِخْفَ نَسَّ أَطَّاسَ نَ ثَوَارَاوِيْنِ أَمَ مَامَشَ ثَوَاغَا إِتَاذَفَ  
 وَرْدَجِيْفَ نَ إِكْهَانَنْ كُورَ أَسْكُوَاسَ سَ إِذَامَنْ نَ إِنْضَبِييَ غَارَ وَقُدَّاسَ، <sup>26</sup> مِينِزِييَ، مَارَا أَمُو  
 إِدْجَا، إِرِييَ إِتْخَصَّ أَذَ إِوَدَّبَ أَطَّاسَ نَ ثَوَارَاوِيْنِ زَكَّ وَامِييَ ثِنْتَاوَكَّ دُونِيْثَ. مَاشَا رَحُوْ،  
 أَقَا نَتَا إِضْهَارَ-دَ إِجَ نَ وَمُورَ غَارَ وَنَكَّارَ نَ رَوَقْتَ، حِيْمَا أَذَ إِكْسَ دَنْوَبَ سَ نَعَارَصْتَ نَ  
 يِيْخْفَ نَسَّ، <sup>27</sup> أَمَشْنَاوَ مَامَشَ ذَ إِتَوَاْسَارَسَ إِ إِوْدَانَ أَذَ مَتَنْ إِشْتَنْ نَ ثَوَارَا، خَتْنِييَ أَوَارِنِي  
 مَانَ أَيَا أَذَ دَ يَاسَ رَحُوكَمَ. <sup>28</sup> أَمُو عَاوَدَ لَمَسِيحَ، أَوَارِنِي رَامِييَ إِمُوشَ ذَ ثَاغَارَصْتَ إِشْتَ  
 نَ ثَوَارَا حِيْمَا أَذَ إِكْسَ دَنْوَبَ خَ وَاطَّاسَ، أَذَ إِتَوَاَزَارَ ثَوَارَا وَيَسَّ ثِنَايَنْ نَبْرَا دَانَبَ زَكَّ  
 إِنِّييَ ثَ إِتْرَاجَانَ إِ وُسْنَجَمَ نَسَنْ.



أَنعَ حَنِّيَّ أَذْ نَقَارَبْ سَ وُرْ نَ ثِيذَت، ذِي تِيَقَّتْ نَ لِإِيْمَان، سَ وُرْ إِيْتَوَسِيْزْ ذَكْنِ سَ  
 وُرُوْشِيْ زِي تُنْفَسْشَتْ ثَاعْفَانَتْ وُشَا سَ أَرِيْمَاثْ نَعْ إِسِّيْرِدْنِ سَ وَاْمَانِ إِيْصِفَانِ .  
 23 أَجْ أَنعَ أَذْ نَشْبَارِ ذِي شِهَادَثْ نَ وُسيْثِمِ نَبْرَا مَّا أَذْ نَارْجِيْجِ، مِيْنِيْزِيْ ذَ وِنِيْ إِيْوَاعْدَنِ  
 ذَ أَصْدِيْقِ 24 وُشَا أَذْ نَحْضَا إِيْجَنِّ وَنْضِيْنِيْ حِيْمَا أَذْ نَكْ وُرْ ذَكْ وَايَاوِيَا غَارِ ثَايْرِيْ وُ  
 غَارِ رَحْدَايِمِ ثِيْصَبْحَانِيْنِ، 25 وَارِ نَجِّيْ شَا ثَامَسْمُوْنَتْ نَعْ أَمِ مَامَّشْ نُومِنِ شَا زَايْنِغِ،  
 مَاشَا أَذْ نَسْمَحْضِ إِيْجَنِّ وَنْضِيْنِيْ، مَاهُوْ عَاذِ حِيْمِيْ إِيْ غَا نَزْرَامِ أَقَا أَسْ نِيْ يِيْوِضْ-د .  
 26 مِيْنِيْزِيْ مَارَا نَحْضَا نَعْمَاذَا أُوَارِنِيْ مَّا نَطْفَ ثَامُوْسِنَا نَ ثِيذَت، حَنِّيْ وَارِ ثَقِيْمِ عَاذِ  
 ثَعْرَاصَثْ خَ دُّوْبِ، 27 مَاشَا أَرَاْجِيْ نَ لِحِيْسَابِ ذَ رَعَاوِقْ نَ ثَمْسِيْ ثِيْ إِيْ غَا إِيْشَنِ  
 رَعْدِيَانِ . 28 مَارَا حَدْ أَذْ إِيْضِرْ تَاوْرَاثْ نَ مُوسِيْ، أَذْ إِيْتَوَانِغِ نَبْرَا أَرْحَمَثْ خَ شِهَادَثْ  
 نَ ثَنَانِيْنِ نِيْغِ ثُرَاثِنَا نَ رَشْهُوْذِ . 29 مَشْحَارِ إِيْ غَا يِيْرِيْ عَاذِ وُودَبْ كَثَارِ إِيْ ذِيْ ثَفْكَارْمِ أَذْ  
 إِيْسْدَاهْدِجِ وَنِيْ ثُوْغَا إِعْفَسْنِ خَ مِيْسِ نَ أَرِّيْ وُ ثُوْغَا إِحْسَبِ إِدَاْمِنِ نَ رَعَاَهْذِ إِيْ زِي  
 ثُوْغَا إِيْتَوَاْقَدْسْ ذَ ثَاخْمُوْجِيْ وُ حَنِّيْ إِيْسْحَقَارِ أَرْوْحِ نَ نِيْعَمَثْ؟ 30 مِيْنِيْزِيْ نَسْنِ وِيْ إِيْثَانِ  
 ”أَنْثَاقِمِ إِيْ نَشِ وُْمِيْ إِدْجَا، نَشِ أَذْ ثَ خَدْجِصِغِ!“ وُشَا عَاوْذِ ”سِيْيْذِيْ أَذْ إِحْكَمِ أَيْدُوْذِ  
 نَسْ.“ 31 سَعْدِ ذَ أِبَارْشَانِ إِيْ وَنِيْ إِيْ غَا إِيْوُضَانِ ذَكْ إِيْفَاسْنِ نَ أَرِّيْ إِدَارِنِ . 32 مَاشَا فِكَارْمِ  
 ذَكْ وُسَانِ إِيْعَدُوْنِ، مِيْنِ ذِيْ، أُوَارِنِيْ رَاْمِيْ تُوَارِزْمَنْتِ ثِيْطَاوِيْنِ نُوْمِ، ثُوْغَا كَنِيُوْ ثَارْثُوْمِ  
 أَمْنِعِيْ أَمْقِرَانِ نَ وُودَبْ، 33 زَكْ إِيْجِ نَ وُغَزْدِيْسِ رَاْمِيْ كَنِيُوْ أَرِيْنِ ذَ أْفُوْرَجِ نَ رَفْضِيْحِثِ  
 ذَ رَحْصَارَثِ وُشَا خَ وُغَزْدِيْسِ نْضِيْنِيْ رَاْمِيْ كَنِيُوْ ثَشَارْشَمِ أَلْ-ذَ إِيْنْضِيْنِيْ وُْمِيْ ذَايْسِنِ  
 إِيْتَوَاكْ أُمُوْ كِيْفِيْكَيْفِ . 34 مِيْنِيْزِيْ ثَكْسِيْمِ أَمْنُوْسِ خَ سَنَاسِرِ إِيْنُوْ وُشَا ثَقِيْرِمِ أَكْشِضْ نَ  
 وَآكْرَا نُوْمِ سَ رَفْرَاْحِثِ، ثَسْنَمِ بَلِيْ غَارُوْمِ أَكْرَا إِيْشْنَا إِيْ وَارِ إِيْفَتِيْنِ ذَكْ إِيْجَنُوَانِ . 35 وَارِ  
 نَطَّارْمِ شَا ثَارِيَاْسِثِ نُوْمِ ثِيْ غَارِ ثَدْجَا إِيْشْتِ نَ رَمُوْنْتِ ثَمْغَارِ . 36 مِيْنِيْزِيْ صَبَّارِ إِيْتَخْصَا  
 كَنِيُوْ، حِيْمَا حَنِّيْ أَذْ نَطْفَمِ رُوْاعْدَا أَمِ ثَكْمِ مِيْنِ إِيْحْسِ أَرِّيْ . 37 مِيْنِيْزِيْ ذَرُوْسِ نَ رُوْقَثِ إِيْ  
 ذِيْنِيْ وُشَا وَنِيْ إِدْ غَا يَاسِنِ أَذْ إِيْحَشْ وُشَا وَارِ إِيْتَعَطَّارِ شَا . 38 مَاشَا أَمْسَكَاذِ سَ لِإِيْمَانِ  
 أَذْ إِدَارِ، مَاشَا مَارَا إِيْسْمَحِ ذَايْسِ، وَارِ زَايْسِ إِيْفَارْحِ رَعْمَارِ إِيْنُوْ . 39 مَاشَا نَشِيْنِ وَارِ نَدْجِيْ  
 شَا زَكْ إِيْئِيْ إِذُوْرِنِ غَارِ ضَفَّارِ غَارِ نُخْسَارَثِ، مَاشَا زَكْ إِيْئِيْ إِيْتَاْمَنِنِ أَرِ غَا أَوْضِنِ غَارِ  
 وُسُنْجَمِ نَ رَعْمَارِ .

## رَشْهُوذ س لِإِيْمَان

**11** أَقَّا خْتِي لِإِيْمَان ذِ أَضْمَان نِ ثَمْسَرِيْن إِي زِي إِيْتَوَاسِيْتُمْ وُشَا ذِ أَقْنَاع نِ ثَمْسَرِيْن وَا رِ تُوِيْرِيْنْت. <sup>2</sup> مِيْنِزِي سِ مَان أَيَا طَفْنِ رَجْدُوذِ زِيْشِ شِهَادَث. <sup>3</sup> سِ لِإِيْمَانِ نَفْهَمِ بَلِي دُوْنِيْتِ ثَنُوَاكَّ سِ وَاوَارِ نِ أَرِّي، مِيْنِزِي مِيْنِ إِيْتَوَارَانِ، وَا رِ إِيْتَوَاكَّ شَا زِي مِيْنِ إِيْتَبَانِ.

<sup>4</sup> سِ لِإِيْمَانِ تُوْغَا هَايِيْلِ إِقْدَمِ إِيْشْتِ نِ تُعَارِصْتِ ثَمْغَارِخِ قَايِيْنِ إِي أَرِّي وُشَا زَايِسِ أَقَّا إِيْطَفِ شِهَادَثِ بَلِي تُوْغَا-ثِ ذِ أَمْسَكَاذِ، رَاْمِي دِ اسِ إِيْوَشَا أَرِّي شِهَادَثِ إِي تُعَارِصْتِ نَسِ وُشَا زَايِسِ إِيْتَوَارِ عَاذِ، وَاخَا نَتَا إِيْمُوْثِ.

<sup>5</sup> سِ لِإِيْمَانِ إِمَكْسِيِي إِيْنُوْخِ نَبْرَا مَّا إِيْرَا رُمُوْثِ، وَا رِ إِيْتَوَافِ عَاذِ، مِيْنِزِي إِيْكْسِيِي إِيْثِ أَرِّي. مِيْنِزِي قَبْرِ مَّا أَدْ إِيْتَوَاكْسِيِي، تُوْغَا شَهْدَنْ خَاسِ، أَقَّا تُوْغَا يَارِضَا أَرِّي. <sup>6</sup> مَاشَا نَبْرَا لِإِيْمَانِ وَا رِ إِيْمَارِ أَرِّي أَدْ إِيْتَوَارِضَا. مِيْنِزِي وِنِي إِي غَا إِيْقَارَبَنْ غَارِ أَرِّي، إِيْتَخَصَّ اسِ أَدْ يَامِنِ بَلِي نَتَا أَقَا-ثِ ذِيْنِ وُ نَتَا ذِ أَمْخَدْجَاصِ نِ إِيْتِي خَاسِ يَارْزُوْنِ.

<sup>7</sup> سِ لِإِيْمَانِ تُوْغَا نُوحِ، أَوَارِنِي رَاْمِي أَرِّي إِيْعَرَمِ زَايِسِ سِ وَاوَارِخِ مِيْنِ عَاذِ وَا رِ إِيْتِيْنِ، إِيْسُوجَذِ أَعَارَاوُ سِ وُوقَارِ أَرِ أَسْنَجَمِ نِ رَوَاشُوْنِ نَسِ وُشَا سِ لِإِيْمَانِ نِي أَقَّا إِيْحَكَمِ دُوْنِيْتِ وُشَا إِيْذُوْرِ ذِ أَوُرِيْثِ نِ تُسَكَاذَا نَتِي عِلَاخَسَابِ لِإِيْمَانِ.

<sup>8</sup> سِ لِإِيْمَانِ تُوْغَا إِيْرَاهِيْمِ، رَاْمِي دِ إِيْتَوَارَاغَا، إِيْطَاعِ وُشَا إِيْفَعِ غَارِ وُمَشَانِ إِي غَا إِيْطَفِ ذِ رَوَارْتِ وُشَا إِيْفَعِ نَبْرَا مَّا أَدْ إِيْسَنْ مَانِي إِي غَا يَاوُضِ. <sup>9</sup> سِ لِإِيْمَانِ تُوْغَا-ثِ ذِي ثَمُوْرْتِ نِ رَوَاعَدِ أَمَشْنَاوِ ذِي ثَمُوْرْتِ نِ إِيْبَارَانِيِيْنِ، إِيْذِذِغِ ذِكِّ إِيْقِيْضَانِ أَلْ-ذِ إِيْسَحَاقِ ذِ يَاعْقُوْبِ، إِيْتِي ذِ إِيْوُرِيْشِ نِ أِكِيْدِ سِ نِ رَوَاعَدِ ذِ إِيْجَنْ، <sup>10</sup> مِيْنِزِي إِيْتَرَاجَا ثَانْدِيْنْتِ سِ ذِسَاسِ، نَتِي إِيْبْنَا وُشَا إِيْكَأِ إِيْثِ أَرِّي. <sup>11</sup> سِ لِإِيْمَانِ إِيْمُوْشِ اسِ إِي سَارَا جَهْدِ مَاحَنْدِ أَدْ تُكْسِيِي دِيْسْتِ وُشَا تُوْرُوْ عَاذِ بَارَا إِي رَمِيْجَارِ نِ تُوْسَارِ نَسِ، مِيْنِزِي نَتَاثِ تُوْغَا تُحَسَبِ وِنِي إِيْوَاعَدَنْ ذِ أَصْدِيْقِ. <sup>12</sup> سِ وُيْنِي عَاوُذِ زَكِّ إِيْجَنْ، أَقَّا زَكِّ وِنِي إِي ذِي إِيْبِضِرِ جَهْدِ نَسِ، قَعْنِ-دِ أَمَشْنَاوِ إِيْثَرَانِ نِ وُجْنَا سِ وُبَارُوْ نَسْنِ وُشَا أَمَشْنَاوِ إِيْجِدِي خِ ثَمَا نِ رِيْحَارِ إِي وَا رِ إِيْمَارِ أَدْ إِيْتَوَاخَسَبِ.

<sup>13</sup> ذِي لِإِيْمَانِ نِي مُوْشُوْنِ إِيْنَا مَارَا نَبْرَا مَّا أَدْ طَفْنِ رُوْعُوْذِ، مَاشَا زِي رَاكْوَاجِ وَاها زِيْرِيْنِ ثَنْ، وُ مَنِ زَايِسِنِ، ذَارَعِنِ أَسْنِ وُشَا شَهْدَنْ بَلِي نِيْشِيِي ذِ إِيْبَارَانِيِيْنِ ذِ إِمَسِيْرِيْدَنْ خِ ثَمُوْرْتِ. <sup>14</sup> مِيْنِزِي إِيْنِي إِيْقَارَنْ مَانِ أَيَا، سَشْنِ مَلِيْحِ بَلِي نِيْشِيِي أَرْزُوْنِ ثَامُوْرْتِ. <sup>15</sup> مَاعَلِيْلِكِ فِكَاْرَنْ زِي ثَمُوْرْتِ مَانِيْسِ دِ قَعْنِ، إِيْرِي أَقَّا وُفِيْنِ رُوْقْثِ جِيْمَا أَدْ عَقْبِنِ. <sup>16</sup> مَاشَا رَخُوْ ذَايِسِنِ مَزْرِي غَارِ ثَمُوْرْتِ نَتِي حَسْنِ، مِيْنِ إِيْحَسِ أَدْ يِيْنِي غَارِ نَتِي ذِكِّ وُجْنَا. سِ وُيْنِي أَرِّي وَا رِ إِيْصُضْجِي شَا أَدْ اسِ رَاغَانِ أَرِّي نَسْنِ، مِيْنِزِي أَقَّا إِيْسُوجَذِ أَسْنِ ثَانْدِيْنْتِ.

<sup>17</sup>س لإيمان إوُشا إبراهيم، رامي إِتِواقِدَجِب، إِسحاق ذِ ناعارصتِ وُشا وُتي إِقْتِرِن رُوْعُوذ، تُوغا إِقْدَم أَيْبِي ن مِّيس إِ تُوغا غارس، <sup>18</sup>أَقَا نْتَا وُمي إِتِوانَا ”ذِي إِسحاق أَذِ اش راغان زَارِيعت“. <sup>19</sup>تُوغا إِحارَص بَلِي أَرَبِّي إِزْمَارِ عاوُذ أَذِ ث-يَدِ إِسَنكَارِ زَنگِ إِمْتِين، زِي مَانِيس ت-يَدِ إِكْسِي غارس عاوُذ أَمِ إِحِ ن لِمائال.

<sup>20</sup>س لإيمان تُوغا إِسحاق إِبَارِكِ ياعقُوبِ ذِ عيسُوخِ مِينِ تُوغا ذِ إِكُورِن.

<sup>21</sup>س لإيمان تُوغا ياعقُوبِ، رامي تُوغا إِتْمَتَا، إِبَارِكِ خِ كُورِ إِحِ زَنگِ إِحْنَجِيرِن ن يوسِفِ وُشا تُوغا عِبْدَ أَمِ إِسْعُوكُوزِ خِ يِيخِفِ ن ثَعارِشْتِ نَس.

<sup>22</sup>س لإيمان تُوغا يوسِفِ، رامي تُوغا إِتْمَتَا، إِفكارِ خِ وُفوعِ ن أَيْتِ ن إِسْرَائِيلِ وُشا إِوَصَا ثِنِ خِ إِغْسانِ نَس.

<sup>23</sup>س لإيمان تُوغا مُوسَى، رامي دِ إِخْرَقِ، إِتِواسُوفَارِ زِي لِوَالِيذِينِ نَسِ ثَرائِنِ ن إِيُورِن، مِينِزِي زَرِينِ أَسِيمِي إِصْبَحِ وُشا وارِ كُويْذِنِ شا سِ رُومُورِ نِ وُجْدَجِيدِ. <sup>24</sup>س

لإيمان تُوغا مُوسَى، رامي تُوغا إِمْقَارِ، يُوَكْثِي أَذِ اسِ راغانِ مِيسِ نِ يَدَجِيسِ نِ فِيرْعُونِ، <sup>25</sup>مَرِي يُوفا أَذِ يِيرِي إِتِوامِدْجِخِ أَك-ذِ وَيْذُوذِ نِ أَرَبِّي وُرا ذِ نَارِيشِ نِ مَزْرِي ذِي دُتُوبِ ذِي شا نِ رُوقْتِ، <sup>26</sup>وُشا تُوغا إِحْسَبِ إِسْحَقارِ نِ لَمَسِيجِ ذِ أَكْرا إِمْقَرانِ سَنَجِ إِ رَكُوزِ

نِ مِيسْرا، مِينِزِي تُوغا إِخْزارِ غارِ مِينِ ذِ اسِ إِغا إِتِواخْدَجِصِ. <sup>27</sup>س لإيمان إِجَا مِيسْرا، أَمِ وارِ إِكُويْذِ شا زِي ثَفْقاَحِ نِ وُجْدَجِيدِ، مِينِزِي إِزِييارِ إِخْفِ نَسِ أَخْمي

إِتِوارا وُتي وارِ إِزْمَارِنِ أَذِ إِتِوارا. <sup>28</sup>س لإيمان إِكْا إِزْمارِ نِ باسْخا ذِ أَرُوشِي نِ إِدَامِنِ، جِيما إِمَكْحاضِ وارِ إِتِحِيْذِي شا إِمْترا نَسِن. <sup>29</sup>س لإيمان زِوانِ رِبْچارِ أَرْكَواغِ أَخْمي

كِينِ ذِي زِبَارِ، ماشا إِمِيسْرِيِينِ، أَمِ ثِ جازِبِنِ ثانيا، تِواصارِضِنِ زِي رِبْچارِ.

<sup>30</sup>س لإيمان وُضانِ رَحِيوضِ نِ أَرِبا وُمي كِينِ سِبعانِ وُسانِ تَنْضِنِ أَس.

<sup>31</sup>س لإيمان وارِ ثَهْلَكِ شا راحابِ رَقْجِبا أَك-ذِ يِنِي وارِ إِطِيعِنِ، أَمِ تُوغا ثارْحَبِ إِبرْكَائِنِ سِ رِهنا.

<sup>32</sup>وُشا مِينِ إِغا إِنِيعِ عاذا؟ مِينِزِي رُوقْتِ وارِ ثَقْدِي أَذِ سَوْرِغِ خِ خِيْذِيوونِ ذِ باراكِ ذِ سامسُونِ ذِ يِيْفْتا ذِ داوُدِ ذِ ساموِيلِ وُخِ إِمْكَاشافِنِ <sup>33</sup>أَيِّي تُوغا إِغْلِبِنِ خِ نَكْلَذِينِ سِ

لإيمان، كِينِ ثاسْكَندا، طَفْنِ رُوْعُوذِ، قَنِنِ إِخْفُوشِنِ نِ وايراذِنِ، <sup>34</sup>سَخْسِينِ جَهْدِنِ نِ ثَمْسِي، أَرُورِنِ زِي رَقْضاعِ نِ سِيفِ، كَسِينِ جَهْدِ ذِي تُوَضْعَفْتِ، ذُورِنِ جِهْدِنِ ذَكْ

إِمْنَعانِ، قَرَعِنِ خِ رَعْسْكارِ نِ إِبارانِيِينِ. <sup>35</sup>ثِيْمْغارِينِ كَسِينْتِ إِمْتِينِ نَسِنْتِ زِي ثُوكْرا، شا نَضْني تِواعْدَبِنِ، وارِ قَبِيرِنِ شا أَفْكي، جِيما أَذِ شارِشِنِ ذِي ثُوكْرا حَسِن. <sup>36</sup>شا

نَضْني كَسِينِ أَبْهَذِرِ ذِ وُركُوضِ سَنَجِ إِمانِ أَيَا عاذا سِناسِرِ ذِ رَحْبِسِ <sup>37</sup>وُشا تِوارِجْمِنِ،

تواقصن ذي إزييناث، قدچين ثن، توانغن س سئيف، ثلغن أم أرضن إرامون ن وُدجي ذ  
إغايضن، ذايسن رغبين، تواحصرن، تواضمرن، <sup>38</sup>أقا دُونيث وار ثن تسداهدج، ثلغن  
ذي رخراواث، خ إُدورار وُ ذك إفران ذ إخر دوسن ن ثمورث. <sup>39</sup>وُشا مارا إنا وَاخا  
كسبن شهادث س لإيمان، وار طيفن شا رواعذ. <sup>40</sup>أقا آرئي ثوغا إتوارا شان رَحاجث  
خار إ نئين، جيما نيئيني وار توكمرن شا نبرا نئين.

### لماثال ن لمسيح

12 اس وُيئي نئين عاوذ، وُبي ذ أنغ-د إئض إح وُسيبو أمقران ن رشهُوذ، أذ نج  
مارا صقر ذ دانب إ د انغ إتكُن ذغيا ثاخشفت، ماخذ أذ نُيور س صبار  
أمجيزوار وُيي إ ذ انغ إترجان غار زاث. <sup>2</sup>أج أنغ أذ نزار غار وُمكواذ ذ وُمكمَر ن  
لإيمان، يشو، وُيي، زي سبيث ن رفراحت إتواكن قيباتش نس، أقا ياربو صاليب،  
وارث إشقي وُبهذر، وُشا إقيم خ يفوس ن رعارش ن آرئي. <sup>3</sup>خزارم مليح ذك وُيي  
ياربون أنشت ن رعكاست ن إمدناب صيد ن بيخف نس، جيما وار تئيحرم وُ وار  
ثارخوم شا ذي رعمار نوم.

### آرئي إتاربا إحنجيرن نس

<sup>4</sup>أقا كنيو، أم تئمنغام أك-ذ دانب، وار ثمعاريم عاذ آر ذ تسييزن إدامن، <sup>5</sup>وُشا تئوم  
أسنهار إ كيوم إسوارن أمشناو غار إحنجيرن مَيي إنو، وار سحقر شا ثاربييث ن  
سيذي، وار تيري شا ذ أمارخو خمي شك إ غا إحدجص. <sup>6</sup>مينزي وُيي إتحس  
سيذي، ياربيي ث س وُقساح وُشا إزكوز كور إج ن ميس وُيي إقتر. <sup>7</sup>مارا ثكسيم  
ثاربييث، آرئي إتك أوم أم إحنجيرن نس. مينزي مان ميس وُيي باباس وارث ياربيي شا  
س وُقساح؟ <sup>8</sup>ماشا مارا أقا كنيو نبرا ثاربييث إ ذي شارشن مارا، رخذني كنيو ذ تاروا  
ن فارق شغر، وار إدجي ذ آراو. <sup>9</sup>زي سنا، أقا نكسي ثاربييث زي بابانغ علاحساب  
أيسوم وُشا نوقار إثن، ما خئي وار نتطيعي شا كثار أطاس إ ثبابان ن آروحات وُشا أذ  
ندار؟ <sup>10</sup>مينزي إنا ثوغا ذ انغ ياربان ذروس ن وُشان أم مامش ذ اسن إنغير مليح، ماشا  
نتا إتك إث إ ئيزي نغ، جيما أذ نشارش ذي ثقداست نس. <sup>11</sup>أقا وار ذين وُرا ذ إشت  
ن ثاربييث س وُقساح إتابان ذ رفراحت ماشا ذ خرقيق، ماشا أوارني اس ئيوي-د  
رعيدچث ن رهنا إ إدجان ذي تسكذا إ إني زايِس إتواداربن. <sup>12</sup>خ وُيئي سكاغدم خئي  
إفاسن يارخون ذ إفادن يارهفن، <sup>13</sup>وُشا كَم نيشان إسوراف ن إضارن نوم جيما مين

إِدْجَان ذ أَنْضَبَار وار إِتْحَرُودْ جُودْ شَا، ماشا اذ اِكْوَر اذ اِكْنَفَا. <sup>14</sup> ضَفَارْم-د رَهْنَا اَك-ذ مارًا ذ ثوقدسيي ثنيي تَبْرَا زَايس وار اِزار حد سبيذي. <sup>15</sup> غَارُوم اَقَا اُورَا ذ اِجَن مَّا اذ اِوَصَا زِي نَيْعَمْت ن اَرَبِي نَيْغ اذ اِسْغِيي اَزوار ن ثارزُوخِي، اذ اِكْ اَخَارُوض وُشَا خَنِي اذ زَايس تَوَاخْمَجَن اَطَّاس. <sup>16</sup> اوار اِتْوَاج حد اذ ييري ذ اَقْحِيي نَيْغ ذ اَمَقْجُوح اَمَشْنَاو عَيْشُو، وَنْي اِوَشِين رَحَق ن وُمنزُو نَس خ اِج ن ماشا. <sup>17</sup> مِينزِي اَقَا نَسْم، بَلِي اوارنِي اس تُوغا ذَايس مَزْرِي حِيْمَا اذ اِوارث لباراكا، يُوْكِي اَس، اَم وار يُوْفِي شَا اَمَشَان ا تُوْث وَاخَا يارزُوْث س اِمطاون. <sup>18</sup> مِينزِي كَنْبُو وار ثِيوِيضَم شَا غار وِذْرَار وَنْي نَزْمَار اذ نَحَاذا وُ غار ثَمْسِي يارغِين ذ ثَبَارشَانْت ذ ثَاذْجَسْت ذ ثَحَارِيَاث <sup>19</sup> ذ زَهِيْر ن رُبُوْق ذ رَحَس ن وَاوارن خ سَبِيْث نَس اِنِّي ث اِسْرِين، زاوَكْن خَنِي ماحنذ وار كَيْسِن اِسْبِيورِ عَاذ، <sup>20</sup> س مِينزِي وار زَمَارن اذ اَرْبُون مِين ذ اسن اِوَصَا ”مارا اِحَاذا اِج ن لِحَايَاوان اَذْرَار، اذ اِتْوَارْجَم نَيْغ اذ اِتْوَانِغ س فَرِيْشَا.“ <sup>21</sup> رَامِي ت زَرِين، تُوْذَف اِثْن ثِيكُوْذِي، اَرَامِي مُوسَى اِنَا ”اَقَا كُوْذِغ وُ اَرْجِيْجِغ.“ <sup>22</sup> اَقَا رَخُو كَنْبُو ثِيوِيضَم غار وِذْرَار ن سَبِيُون، غار ثَنْذِيْن ن اَرَبِي اِدَارن، وُرْشَالِيْم ن وُجْنَا وُ غار رُزُوف ن لِمَالَاكَاث، <sup>23</sup> غار وُْمُونِي ن وُرَار، غار ثَمْسُمُونْت ن اِمْتَرَا اِنِّي اِتْوَازْمَن ذَكْ اِجْنَوَان وُ غار اَرَبِي، رَقَاضِي خ مارًا وُ غار اَرُوْحَاث ن اِمْسَكَاذْن اِنِّي اِتْوَاكْمَرن، <sup>24</sup> وُ غار يَشُو، اَمْسُصْرَا ح ن رُعَاهْذ ن جَذِيْذ وُ غار اِذَامَن ن وُرُوْشِي اِنِّي اِسَاوارن حَسَن زَكْ اِنِّي ن هَابِيْل. <sup>25</sup> غَارُوم وار ثَاكِيْم شَا وَنْي اِسَاوارن، مِينزِي مارا اِنِّي وار اِتْوَاْسَنْجَمَن شَا رَامِي وُكِيْن وَنْي اِسَاوارن ذِي ثَمُورْث، مَاهُو عَاذ نَشِيْن، مارا نَحِيْذ زَكْ وَنْي اِدْجَان زَكْ اِجْنَوَان. <sup>26</sup> تُوْمِيْجَا نَس تُوغا تَسْنَهْرَا ثَامُورْث ذِي رُوْقْث نِي، ماشا رَخُو اَقَا اِوَاغْد، اِقَار ”عَاذ اِشْت ن ثَوَارَا عَاوْذ اذ سَنْهَرْغ مَاشِي ثَامُورْث وَاها، اَقَا وُرَا ذ اَجْتَا.“ <sup>27</sup> اوارا- اِشْت ن ثَوَارَا عَاوْذ، اَقَا يَمِرا بَلِي اذ اِتْوَاكْس مِين اِتْنَهْرَان اَم مِين اِتْوَاخْرَقْن، حِيْمَا اذ اِقِيْم مِين وار اِتْنَهْرِيْن. <sup>28</sup> خ وُيْنِي اَم نَكْسِي ثَاكَلْدِيْث وار اِتْنَهْرِيْن شَا، اذ نَطْف ذِي نَيْعَمْت وُشَا اذ نَعْلَم اِرَبِي اَم مَامَش خَاس يَارِضَا، س رَهِيَا ذ ثِيكُوْذِي. <sup>29</sup> مِينزِي اَرَبِي نَغ ذ ثِيْمَسِي اِتْن.

### اَمْكُوْاذ ن وُسَنْجَم نَغ

13 اَجْ اذ ثَقِيْم ثَايْرِي ن ثَاوماث. <sup>2</sup> وار ثُوم شَا اذ ثَارْزَم ثَاوارْث اِ اِنُوجِيُون، مِينزِي س وُيَا شَا اَرْحَبِن س لِمَالَاكَاث اَم وار سَبِيْن. <sup>3</sup> عَقْرَم خ اِمْحَبَاس اَخْمِي كَنْبُو تَنُوَاخْبَسَم اَكِيْدَسَن عَاوْذ وُ عَقْرَم خ اِنِّي اِتْوَاغْرَان اَخْمِي كَنْبُو غَرَان ذِي اَرِيْمْث عَاوْذ. <sup>4</sup> اَجْ اذ ييري رَمْرَاش ذ اَوَقَار غار مارًا، ذ قَامَا ن رَمْرَاش تَبْرَا رَحْمَج، مِينزِي اَرَبِي

أذ إحكم خ إقحييين وُ خ يني إتكن زينا. <sup>5</sup> وار تيريم شا ذ إشطاران، قنم س مين غاروم، مينزي ننا سيمانت نس إنا ”نش وار شك تجيع نيع أذ ذايك سمخ“. <sup>6</sup> س ويني نرمار أذ نيني س تيقث ”سيذي ذ أمعاون انو، وار تكوذغ شا، مين ذ ايي إ غا يگ بناذم؟“ <sup>7</sup> عقرم خ إني إ كنيو إتكواذن، إني ذ اوم إسبورن أوار ن أرئي، ضفارم لإيمان نسن، خمي نخزارم غار رغيذچث ن ثوذارت نسن. <sup>8</sup> يشو لمسيح ذ ننا ننا، إضناض ذ بيضا وُ إ رندا. <sup>9</sup> وار نجيم أذ كنيو غارن زي سا غار ذيهها س ثغوري ثغريب، مينزي رحاجث ن لمليح أفا وُر أذ إسبار ذي نيعمث، وار إدجي ذي ماشا إ ثوغا وار إنفيين شا إ ايي ثوغا زايس إرهان. <sup>10</sup> غارنغ إج ن وُعالطار إ زي إني إتسخارن ذكث وُقيضون إقدسن وار غارسن بو تسريح ماحنذ أذ زايس شن، <sup>11</sup> مينزي أريماث ن لحياواناث إني إذا من نسن تواكسين غار ذاخر ن وُقداس زكث وُزدجيف ن إكهانن ثواسارغن بارا إ تقسفت. <sup>12</sup> خ ويني ثوغا يشو إمارث عاوذ بارا إ ثوارث ن ثنذيت، جيما أذ إقدس أيذوذ س إذا من نس، <sup>13</sup> خ ويني أذ نفع غار بارا ن تقسفت أم ناربو رعار نس. <sup>14</sup> مينزي وار غارنغ ذا نانذيت ن رندا، ماشا نارزو خ ثني إ د غا ياسن. <sup>15</sup> أمو خني، أ ج أنغ أذ زايس نقدم ثيموشا ن وُسمنغار إ أرئي، رغيذچث ن إيشيشن إني إشهذن خ ييسم نس. <sup>16</sup> وار تئوم شا أذ تكم مين إصحن وُرا ذ ثشريمث، مينزي أرئي يارضا خ ثموشا أم ئينا. <sup>17</sup> طاعم إ إني إ كنيو إتكواذن، كم أسن أراي، مينزي نيثني تعسان خ رعمور نوم أمشناو إني إتكن رحساب، طاعم أسن جيما أذ ت كن س رفراحت، وار إدجي س وُوحوح، مينزي مان أيا وار كنيو إنفع. <sup>18</sup> زاذچم خانغ مينزي غارني تيقث بلي غارنغ ثانفسثث شننا، أم ذانغ مزري جيما أذ نذار نيشان ذي مارا. <sup>19</sup> تراوئغ كنيو س جهذ، أذ تكم أمو، جيما خني نش ذغيا أذ غاروم-د ذورغ. <sup>20</sup> أرئي ن رهنا وني د إسنگارن يشو لمسيح، أمكسا أمقران ن وُدجي، زكث إمتين س إذا من ن رعاخذ إ رندا، <sup>21</sup> أذ كنيو إكمز ذي مارا زخار جيما أذ تكم مين إحسن ننا، ماحنذ أذ ذانغ إكث مين إذجان إ أرضا نس س يشو لمسيح وي غار إدچا وُعودجي إ رندا قاع. أمين. <sup>22</sup> خني عزمغ أوم، أ أومائن، قبرم أوار-ن وُسنهار، مينزي وُريغ أوم-د س ذروس. <sup>23</sup> سنم أفا أرخون وُماثوم ثيموئييو. مارا يوسي-د ذغيا، أذ كنيو زارغ أكيذس. <sup>24</sup> سدچم خ مارا إني إ كنيو إتكواذن وُ خ مارا إمقداسن. إني ن إطاليا تسدچامن-د خاوم. <sup>25</sup> نيعمث أذ كيذوم ثيري مارا. أمين.